

ИЖОДИЙ ТАНЛОВ ЭЪЛОНИ

Болалар контентини ривожлантириш маркази ишлаб чиқарувчи субъект (юридик шахс)лар ўртасида қуйидаги йўналишларда **ижодий танлов** эълон қилади:

Сериаллар;

Бадиий фильмлар;

Муסיқий-анимацион клиплар;

Киножурналлар;

Аниме-сериал;

Мавзулаштирилган мультфильмлар.

Танловга бериладиган материаллар қуйида кўрсатилган талабларга **мувофиқ** тақдим этилиши лозим:

а) лойиҳанинг асосий **қаҳрамонлари, сюжет** линияси, **ғоя** ва **мақсади** акс этган, давлат тилида, адабий тил ва имло қоидаларига риоя қилинган ҳолда А4 формат, 14 шрифт, “Times New Roman”, 1,5 интервалда ёзилган кенгайтирилган синопсиси;

б) лойиҳа сураатга олинадиган **жой, объектлар**, ижодий гуруҳ **таркиби** ва лойиҳани амалга ошириш билан боғлиқ бошқа жараёнларни қамраб олувчи **тақдимотнинг** аудиовизуал (слайд ва бошқа тасвир воситалари) ҳамда альбом шакли;

д) лойиҳанинг тахминий харажатлар **сметаси**.

Таклифлар бериш муддати тугаган пайтда **камида иккита лойиҳа қабул қилинган** бўлса, танлов шарти бажарилган, деб топилади.

Болалар контентини ривожлантириш маркази Экспертлар кенгаши **бир ой** давомида лойиҳаларни кўриб чиқади, баҳолайди, ғолиб лойиҳани белгилайди ва йиғилиш баёни билан расмийлаштиради.

Танлов иштирокчилари эълонда кўрсатилган манзил ва тартиб асосида ўз лойиҳаларининг **аризаси** ва **студия ҳақида қисқача маълумотни** бириктирган ҳолда Болалар контентини ривожлантириш марказига тақдим қилиши лозим.

Танлов талабига қатъий амал қилинмаган, имловий хатолари бор, мавзуга алоқаси бўлмаган, фақат интернет ва сунъий интеллект маълумотларидан кўчирилган матнлар асосидаги лойиҳалар танловга қўйилмайди.

Танлов 2025-йилнинг ... санасига қадар давом этади.

Изоҳ: Тақдим этилган лойиҳаларга тақриз берилмайди ва муаллифларга қайтарилмайди.

Қўшимча маълумот учун телефон: 99-820-23-53, 90-942-01-94

Манзил: Тошкент шаҳар, Олмазор тумани, Зиё кўчаси, 2-А уй

Сериаллар

1. Вояга етмаганларни **онлайн қимор** ва **психотроп моддалар савдосига** аралашиб қолаётганининг олдини олишга қаратилган сериал лойиҳаси. **(20 қисм)**

Ҳамкор: Ички ишлар вазирлиги

2. Рақамли технологиялар соҳасида **илк стартаплар яратиш**, инновация, IT ва жамоавий ишлаш маданиятига жалб этиш ва **рақамли саводхонлик** тарғиб қилинадиган сериал лойиҳаси. **(20 қисм)**

Ҳамкор: Рақамли технологиялар вазирлиги

3. Қизларнинг **ўсмирлик давридаги руҳияти**, ички дунёси, оилавий муҳит ва жамият билан муносабатлари, **мустақил қарор қабул қилиш** ва **ҳаёт қийинчиликларини қатъият билан енгиш** мавзулари очиб бериладиган сериал лойиҳаси. **(20 қисм)**

Ҳамкор: Оила ва хотин-қизлар қўмитаси

4. Болалар тарбияси ва хулқ-атворида ижобий таъсир кўрсатадиган тарбиявий аҳамиятга эга мавзулар кўтарилган сериал лойиҳаси. **(20 қисм)**

Ҳамкор: Тошкент вилояти ҳокимлиги

Бадиий фильмлар

1. Болалар ва ўсмирларни **математика, физика, информатика, робототехника** каби фанлар бўйича халқаро даражадаги мутахассис бўлишга тарғиб этишга қаратилган бадиий фильм лойиҳаси.

Ҳамкор: Олий таълим фан ва инновациялар вазирлиги

2. Чекка ҳудуддаги болаларни футболга жалб этиш, **миллат фарзандларида чемпионлик руҳини уйғотиш**, ўз орзулари сари интилишга мотивация беришга қаратилган бадиий фильм лойиҳаси.

Ҳамкор: Спорт вазирлиги

3. Товарларни чегарадан ноқонуний олиб ўтишда **вояга етмаганлардан фойдаланиш**, контрабанда билан боғлиқ хавфлар ва уларнинг оқибатлари, **божхона ходимларининг** бу йўналишдаги фидокорона хизмати кенг ёритиладиган бадиий фильм лойиҳаси.

Ҳамкор: Божхона қўмитаси

4. Буллингнинг боланинг психологияси, ўз-ўзига бўлган ишончи, билим олиш истаги, **ижтимоий ҳаёти** ва **соғлиғига қандай салбий таъсир қилишини** кўрсатиш, болалар, ота-оналар ва ўқитувчиларни ҳушёрликка чақириш ва муаммодан чиқиш йўллари акс эттириладиган бадиий фильм лойиҳаси.

Ҳамкор: Ижтимоий ҳимоя миллий агентлиги

Муסיқий-анимацион клиплар

1. Болаларда ватанпарварлик туйғусини, ҳарбий бўлиш истагини уйғотишга қаратилган муסיқий-анимацион клиплар лойиҳаси (4 қисм).

Ҳамкор: Мудофаа вазирлиги

2. Очиқ сув ҳавзасида чўмилиш, зилзила ва ёнғин хавфсизлиги каби ҳолатларда тўғри ҳаракат қилиш қоидалари тушунтириладиган муסיқий-анимацион клиплар лойиҳаси (5 қисм).

Ҳамкор: Фавқулодда вазиятлар вазирлиги

3. Сувни тежаш ва оқилона фойдаланиш, сув захирасини асрашга оид муסיқий-анимацион клип лойиҳаси (1 қисм).

Ҳамкор: Сув ҳўжсалиги вазирлиги

4. Қуёш ва шамол энергетикаси, электрни тежаш, қайта тикланувчи энергия манбалари ҳақида тушунча беришга қаратилган муסיқий-анимацион клиплар лойиҳаси (10 қисм).

Ҳамкор: Энергетика вазирлиги.

5. Болаларни мамлакатимизнинг тарихий жойлари билан таништирадиган, табиатни муҳофаза қилишга ўргатадиган муסיқий-анимацион клиплар лойиҳаси (10 қисм).

Ҳамкор: Экология, атроф-муҳит ва иқлим ўзгариши вазирлиги.

6. Болалар ўртасида ҳуқуқий маданиятни шакллантириш, уларнинг ўз ҳуқуқ ва бурчларини англаиш, болалар қонунбузарлигининг олдини олишга қаратилган муסיқий-анимацион клиплар лойиҳаси (5 қисм).

Ҳамкор: Бош прокуратура

7. Болаларга солиқ ҳақида бошланғич тушунчаларни, солиқ тўлашнинг аҳамияти, кимлар солиқ тўлаши, унинг жамият учун фойдаси ҳақида ўргатадиган муסיқий-анимацион клиплар лойиҳаси (5 қисм).

Ҳамкор: Давлат солиқ қўмитаси.

Ҳажвий киножурналлар

1. Шахсий гигиена, нотўғри овқатланиш, кам ҳаракатли ҳаёт тарзи, уйқу режими бузилиши каби соғлиқни сақлаш билан боғлиқ воқеалар акс эттириладиган ҳажвий киножурнал (3 та сон, 15 қисм).

Ҳамкор: Соғлиқни сақлаш вазирлиги.

2. Қишлоқ хўжалигининг турли йўналишлари билан боғлиқ ҳаётий ва кулгили воқеалар тасвирланадиган киножурнал (1 та сон, 5 қисм).

Ҳамкор: Қишлоқ хўжалиги вазирлиги.

3. Маҳаллаларда болаларнинг жамоат ишларида иштирок этиши, кексаларга кўмак бериши, ҳашар, маҳалладошлар билан муносабатлари акс эттириладиган киножурнал (3 та сон, 15 қисм).

Ҳамкор: Ўзбекистон маҳаллалари уюшмаси.

4. Болаларга энергия ресурсларини тежаш, электр токидан тўғри фойдаланиш кўникмасини ўргатишга қаратилган киножурнал (3 та сон, 15 қисм).

Ҳамкор: Энергетика вазирлиги.

5. Болаларга миллий маданият, санъат, адабиёт, тарих ва маънавий қадриятлар ҳақида тушунчалар беришга мўлжалланган киножурнал (4 та сон, 20 қисм).

Ҳамкор: Давлат активларини бошқариш агентлиги.

6. Хоразм ва Сирдарё вилоятларидаги болаларнинг ҳаёти, уларнинг таълим ва тарбияси, мақсад ва интилишлари акс эттириладиган киножурнал лойиҳаси (2 та сон, 10 қисм).

Ҳамкорлар: Хоразм ва Сирдарё вилояти ҳокимликлари.

Аниме-сериал

1. Бугунги кун болалари учун **қизиқарли** ва **ибрат** бўла оладиган **суперқаҳрамонлар** ҳақида ҳикоя қилувчи миллий аниме-сериал лойиҳаси.

Ҳамкор: Ўзбекистон Республикаси Ёшлар ишлари агентлиги.

Мавзулаштирилган мультфильмлар

1. “Илк қадам” давлат дастури асосида таълимга, миллий қадриятларни ва анъаналарни сингдиришга ҳамда илк кўникмаларни шакллантиришга қаратилган **мавзулаштирилган миллий мультфильмларни** яратиш лойиҳаси.

Ҳамкор: Ўзбекистон Республикаси Мактабгача ва мактаб таълими вазирлиги.